

沈乃文主編

明別集叢刊 第二輯

第七十九冊

黃山書社



国家出版基金项目
NATIONAL PUBLICATION FOUNDATION

『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第七十九冊

黃山書社



(明)尹臺撰

欽定洞麓堂集十卷續集二
十八卷(續集卷十三至卷二十八)

清嘉慶五年刻本

洞麓堂續集第四冊目錄

卷十三 書 啟

與楊虞坡大宰書

與陸平泉宗伯

與郭黃涯侍郎

與徐鳳竹中丞

與劉紫山中丞

與甘蓮翁

復李勺溪見羅二世丈

與劉應谷少宰

洞麓堂續集

與徐存翁相公

答曾確菴中丞

答張元洲大宰

與王仲山

寄張元洲大宰

與張啟泉

與呂南渠閣老

與鄭崑巖

與永新龔令公

答少傅徐相公啟

與張大岳相公

與譚二華司馬

與劉紫山侍郎

與姚禹門提學

與薛仲常

與甘子開進士

與呂葵陽

與陶念齋少宰

答曹東村尙書

答賀文南侍御

與吳明卿學憲

與張大岳

與吳默泉

與董潯陽宗伯

與曾太守渭陽

與敖南溟

復劉督府草塘

同諸公賀徐公五考受褒



賀郭東野入閣

賀郭大宰復任

上呂豫所閣老

賀觀瀾張翁

賀呂豫所閣老

卷十四 祭文

祭李少卿文

祭宮諭屠漸山先生文

翰林祭歐陽太淑人文

祭李封君文

洞麓堂續集

祭龍母李太夫人文

祭李少傅太夫人文

祭周崦翁文

祭王老夫人文

祭右通政武東楊公文

祭大僕少卿劉策齋文

告初祖鄱陽公文

祭長嫂胡太令人文

祭封大中丞松山曾公文

祭湯卓齋先生文

賀高中元入閣

上張大岳閣老

上楊虞坡大宰

賀大岳閣老

祭少保鍾石費公文

同年祭孫忠烈公夫人文

祭胡太巡母夫人文

祭提學副使白崖公文

祭嫺母楊太夫人文

祭李進士文

祭楊夫人文

祭吳老夫人文

祭宮賓見洽茅少宰文

祭野航親家文

祭第二亡姪文

告祖文

祭通政周與麓文

卷十五 傳狀

卓齋湯先生傳

贈侍郎沈公傳

友松胡翁小傳

徐節婦傳

太子太保張公行狀

尹氏總譜事狀

吏部左侍郎茅公行狀

卷十六 碑墓表

大明江淮平倭之碑

通判石坡張公合葬墓碑

內射所關侯廟碑

巡撫雲南周公神道碑

豫齋劉公墓表

昭勇將軍方侯墓表

贈懷遠將軍何公墓表

贈中憲大夫劉公墓表

洞麓堂續集

第四冊目錄

三

東岑先生鍾君墓表

洞麓堂續集卷之十三

明永新尹臺洞山甫著

曾孫啟殷分下重刻

文類

書

與楊虞坡大宰書

某仰辱門下知獎有年矣比喜宰衡魁柄得仍授名世碩耆使天下善類咸忻忻焉動以彈冠奮報之思則所幸於世道何如矧今內有賢相默任顧託之重而門下與之協志并力綱維大政使不失四海臣民之望自某

洞麓堂續集

卷十三

書

一

耳目所及數十年來未覩若今之盛者也茲者南省舊秩世稱清崇某既往以奉職無狀致觴時權之怒遭被後先喉讒幾陷危禍者屢矣幸先帝天地至仁寬其死譴俾得歸守先廬杜迹省愆竊自謂不常有之太幸乃今門下顧又特拔之耕隴廢擯中猥因輿議承人之遂獲還班行之故有某感極欲涕曾不知所以致之之繇豈思挽末世佻儇之習故特舉無書抵政府之人以厲廉狷興士節其於材之稱否或有所不暇計邪自惟愚戇不堪時用久矣況年至而衰病及之恐任使不效卒累上賢知人之哲則九死不足仰酬盛恩徒負餘慚以

沒齒其於事責奚補乎謹馳疏控辭并以書佈其悃款
惟門下裁教之幸甚

與張大岳相公

某駭慙無足比數自頃濫藉詞垣獲奉左右之末光乃
今逃違門下荏苒幾二十年矣不敢以尺書通承典謁
豈誠甘疎絕爲伉予者邪竊念謬觝權怒以歸棄擯衰
陳之迹未堪煩被大賢之記存故寧守耕隴安譴廢杜
門循省惟日求寡過之方自考艾幸不爲聖世僇民夷
傷清化至足矣庸敢復他顧望乃近跼伏村疇中時有
士紳過從道述公之惓惓推轂至念不知所以致之之

洞麓堂續集卷十三

書

二

繇第怛然恆載之心腑而已茲者南省故秩乃復得因
輿議承人乏俾敝蓋遺簪遂蒙薦備器使之末六列班
行獲再辱升焉公志先天下國家之務用人求舊欲抑
佻僂邇習故特舉一時無書抵政府之人以長廉狷厲
士節非有私於僕之身者也某雖至愚昧庸敢以其私
謝涸玷門下大公之推擇抑宜趨奮驚庸上報國士之
知不當更爲所免之請輕擾掌故之清聽也第某果枵
腹不中世用兼年至而孱病及之強使備位恐卒誤舉
賢之實致累公知人之哲徒沒齒而負餘慚將非某之
所甚懼乎故不敢避干冒之罪謹齋滌具疏上控天闕

而并以書布其悃款焉惟公涵養而賜之教則幸甚
甚

與陸平泉宗伯

奉違台教忽忽遂八年矣仰惟洛中司馬繫重天下之
望強爲元祐而起世道人心同時瞻竦一新何如某愚
慙素乏材能兼年垂衰疾彌增近傳南省舊任偶乏人
承乃不虞廟堂咨擇遽逮謬庸夫顛隕弗戒前車之效
可觀矣豈今年過耆指當神耗精蹙之後更能有振
拭邪謹陳疏籲免并以聞之知已關情不敢佔教
有專上仰布之日也促遽不及次第并祈亮燭

洞麓堂續集卷十三

書

三

與譚二華司馬

僻居村林不通四方郵傳之便中樞趨召比久乃始聞
之此邦家倚毗大計非獨海內同志之慶僕平生景企
至深私恨未得一仰觀台儀以自慰憐今老矣復辱
三知已相推轂特授之俾復舊列以不適用之材且年
至而衰病及之何繇迄副廟堂之舉任謹馳疏新免而
以書布其悃款於左右幸荷夙冀不惜裁教之盛甚

與郭黃涯侍郎

逃違光儀荏苒忽踰二十年矣同榜士南北曙星歷歷
稀指數其在六列者獨翁暨元淵兄真比太白之配弦

月可不爲之憮然一動情乎追及往事更惻惻增遐思耳弟素無適用材況今老衰豈堪更任出往昨忽聞廟堂以南省舊踐之任偶乏人承遂謬及不肖殆駭不知所爲措得非翁輩過爲溢獎未計其不足善後與以彼類隕於昔者卽前車之效可觀矣況今其能自強於有成邪敬馳疏乞免并以悃款布之左右焉幸翁有以裁念之也遽甚失次第容嗣專上敬悉

與劉紫山侍御

某愚戇一無能知獨沾沾自信其拘曲以爲介緣此構忤重人上辱素與其得歸守先廬幸矣高賢抑何取材洞麓堂續集卷十三 書 四

願以之首列薦剡中乃所稱引皆非陋劣之能一二及者其不大負公知人之哲已乎報下人間爲之汗下揀背較較不能自止雖然公亦何嘗掛纖毫昵厚之私於其間哉第某非其人不足以當趙文所奚之舉焉耳古有被推薦而不謝者謂其人實足以當之也若某愚卒相累矣其敢冒以此自況而不竊竊以爲懼乎然緣此益不敢自懈日矻矻求勉所至以不隕穫終身則庶幾其可也謹馳狀先布所懷白日高天公之磊落在朝著舉世皆能信之而某不自信之一身意其真愚戇與抑有道其或尙有進也以此報公庶幾其或不負乎而猶

未知其果能否也冬氣漸沍千萬慎愛

與徐鳳竹中丞

仰惟明公重念學校爲王政之大特允廬陵諸生之請肇啟新宮以毓山川靈勃之氣開人文於有永凡列矜罔孰不蒸蒸奮起感大賢作勵盛心振其頽惰而思往聖之教爲必可從事自倫理日用以至當邦家之務履天下之任皆於斯學舉之矣其若科第名位之興乃其末焉已耳明公立身教於上引以遷新之至意士所遭何其幸哉謂宜得名能文者以摧揚休美庶幾足闡示斯義於無窮而某豈其人乎猥奉台委兼拜幣錫之厚

洞麓堂續集卷一三 書 五

祇承皇棟私慚昧劣無文欲卻避而不敢者屢焉謹譔成記文一首錄呈覽教惟痛裁而是正之幸甚外近傳邸報當塗誤以明公援薦之重謬有所推補雖竊銜知按大恩實深懷累負私恐欲需部牒之至懇疏以圖辭免豈惟微分少安抑不欲貽上哲失舉之譏耳恃深愛敢因布之突溷悚息并祈亮原

與姚禹門提學

昨歲胡廬山憲長還過敝村辱藻翰佳葛之餽感篤誼不遺之獨至矣時靡修便乃託舍親劉學諭夢賢家使轉之新化俾因入覲幸一致之而渠答示謂必斧節按

試後乃敢上達私心甚恐其稽後也茲尙未知獲徹否
乃忽枉特使之臨華賤縹緲賜耀衡茨盛雅隆存寵踰
駟璧此豈衰陳之敢堪冒者哉念僕頃爲權檢喉構長
恨幾識未豫致招訕辱弗湔今雖非若時比揆遲暮則
既及之已燭之武所云少不如人老焉攸用者僕庸可
怒焉忘之邪已亟馳疏祈免感劄中所開諭之云乃僕
壯時竊自許不量其能者今時過而志且渝何以仰副
故人之深望邪幸茲千載休明之遇眾正塗開眞高賢
拔茹彙征之希觀者道行何必在我千萬爲斯文加重
敬因復草草附謝未悉欲陳嚮風無任懷戀

洞麓堂續集

卷十三

書

六

與劉紫山中丞

恭惟節鉞臨鎮督府諸務爛然快覩一新四省吏民奉
科式而繹條貫微壤樂業可計日俟之矣僕曩陪末議
於南北列省愚慙不能諧世致無怒重人橫被非誣仰
辱知己爲之再疏昭雪深恐樹身失振將貽大賢哲鑒
之累日夜惴惴於中未知所以爲鮑叔持報者茲幸輿
議稍白私心謂且踰望矣簡書忽昇豈荷耒耕疇者意
念所敢一及哉無亦當塗信所舉之過揭然遂據之爲
準衡與方瀝悃陳所不副以祈天聽之矜允匪欲漫爲
辭避直懼大負溢稱無以勉效於將來耳謹遣兒奉狀

代覲履幕并抒耿耿感謝積悰南睇虔雲神情與之并
往不備

與薛仲常

南北山川阻奉良覲忽二年追思長安對月把酒論心
曠然各出形骸之外此會一失豈復易得哉卽事可長
慨矣往斧旆出京時曾成冗章急載之軸走人獻行李
則報祖陳已宿夕其後取省誦愧其無鄙欲輟寄又念
質情所具也遂附便行者上之因致短牘不審旣微否
恭惟道模所示士習默成於觀仰時雨之潤榮河之浸
豈不由漸積哉幸從容以俟之何如敬承便附布興居
洞麓堂續集

卷十三

書

七

又

陝西一錄當爲諸錄巨擘傳聞乃出公一手老學巨擘
固知非咄嗟鉛墨者所可及也關中七人又言公近歷
邊障良苦榆鎮忠勇聞天下比以將領失馭稍易故步
公之勤念若此士之感義効忠者寧不益奮迅過前日
哉文武將吏鮮得其人在處同然特邊方尤甚勢重宜
反但反之不容太急法治已甚餘者聽其漸化正恐以
未得久於其地耳久則何患不從我之所草易邪海內

正人星布無幾時方倚公爲重何可言去如弟真欲去無計憂危之積百疾橫作茲獨以數尺之軀掣於多事之地卽弟愚人安得無爲寒心若公則真不可去者也來疏聞爲槐野止之矣不次

又

同榜情親四十年乃今始爲垂老之別其感戀可勝道述哉入謁以辭荷兄款攜誨念曲至而大製之賜并得披豁塵蒙兼奉對二賢孫之清粹出羣因以古世德焉愚衷私慰蓋無量引帆南驚邇瞻倍劇所祈神用善攝臨楮悵悵不悉布

洞麓堂續集卷十三

書

又

違幸忽數年仰戀無時敢忘愧竿牘之敬闕然耳使翰昨遣始知道旆比臨省地殊切惆悵業欲趨候邸署以行色正促且緣節詢乏實對者而竹墩兄見諭在冷展遂欲訪靡及徒增歉歉高才忤俗賢豪不免佐我江庠裕素恆若兄之積養見矣不盡惟珍護是望因風惠誨尤所仰丐敬附之

與甘蓮翁

歲幹在壬孟春之吉爲翁八十周歷之辰而總其歲紀則當陽德九九之數夫壽考昇爲賢人此作我後生之

成卜也天其殆有意乎某不得與邑人共慶之乃遠拘職守兼屬憂病相仍旣不能從賓戚並致頌祝又遣代微悰復後時愧罪則何可言敬因小兒還歸特奉狀布不敏若夫介茲繁祉黃髮難老此理效有必然者無待占衛生之經矣

又

昨秋之初草草出門遂不及敬辭小兒至始知仙闕老夫人遽捐中閣不勝愴惋之私夫以稀齡康履茂受完祉雖長逝稍厪尊念乃居生自宜無悼於冥志矣千萬節情自頤用迓無疆之慶外頃歲寓賀耄誕而祝辭尙不及補致謹裁小詩錄軸少抒淇澳詠武之忱并祈鑒采幸甚

與甘子開進士

遠喜泥金報傳策名天府首列江右第一卽計詞垣英選當已特受綸寵其爲梓社之光何如興文新閣肇建上秋人文晦未卽顯僕固占兆宜有侯記昨三君子北上偶成詩以贈遂得禾川水落義雲高之句賢者出處自關時數豈偶然之故哉老衰爲之酣快浹旬非以戚昵私綰而然誠慶我道之有託也

復李勺溪見羅二世丈

重錫金玉之章念教諄勤病枕岑寂中披讀真不覺積
疴之去體矣慰快何任先公老先生德學遠邁古人勲
績獨茂當代不肖託交垂二十年自媿乏知德之睿猶
之蠹魚出入陳編中不知載籍之爲文則欲言其形似
固難况思得其深者乎此誠夙夜惴惴懼重負二丈厚
大之託數強綴括猶莫之副也忖計數月欲稍於生平
建樹之大者推說一二原本庶幾不至若盲者擬日捫
籥盤而卒莫能辨耳長牘指喻雖萬一不敢當然實
有默符其櫟括者如容卒業請正何如比以內外死喪
之感兼雜諸墓廬修治紛擾入冬忽忽成疾展轉未離

洞麓堂續集

卷十三

書

十

枕席近胡廬山偶過晤對二三日宿憊始少滌除信友
朋之爲益在身心無論細大也附使草草率布區區比
造小舟將成扣船入剡之樂次第可尋相覲計或無遠
冗遽故不及一一

與呂葵陽

別去忽數十年矣惟公有盛積出之接應恆之以謙和
同朝士孰不欽誦之彼媚嫉者欲肆其薏苡胡爲輒思
快志於高賢邪天下公論豈一人能掄之此士大夫所
以藉藉不平至今也茲因寒宗通譜之輯特遣舍姪輩
乞言於少傅相公遺萬世之訓式此意存之十數年矣

仰恃夙雅足席託幸娛侍從容一垂注贊焉

與劉應谷少宰

某以衰劣朽材頃誤奉上賢知獎至首列薦剡中私慚
名實鮮副將恐累負哲鑒無能湔祓以自追塞不虞假
重瑰論荐被甄予之加致茲掄用竊類魯烏之饗鐘鼓
受之不無失所據措其將何以仰報知已於萬一哉循
辭靡獲遵奉促程於茲月履任例宜陳謝謹馳啟先布
愚衷不久似宜補入考之典別上附請教指仰特深知
不敢避煩冒之迹計瞻承在數月間稍可一慰所欲傾
悉者臨楮第深悚息

洞麓堂續集

卷十三

書

七

與陶念齋少宰

小僮齋咨還伏奉手劄兼拜縉幣感言藏之徒有誦刻
難忘耳某衰劣無復名塗之念仰荷故人推轂俾還舊
秩循辭弗獲勉爾促程赴職例宜陳謝謹先此附布區
區外頃考績中阻茲應入補別上請教指伏候閱示倘
不日得慰所傾悉尤闊久甚願望者臨楮倍劇懷念

與徐存翁相公

某自擯歸耕隴八年偃卧一室惕罪省愆日求所爲懲
艾之方以仰報先皇帝天地大恩海內舊游一切不敢
復用賤姓名通布私念公在政府日實進僕於甄埴之

末迫逃讒林莽中復蒙齒錄時一及門接士大夫間與
於誼惡容以例榮顧迹在穢玷懼或竿牘之汙典謁抑
分之所宜避者也茲幸士論偶一二白得稍濯垢剔瑕
以謬從通務之後即懷往知而矜夙與思更備掃除於
大賢之門似非按劍無由至前者比矣師相躬一時伊
呂之業執鑪錘以陶冶四海幾何年乃茲暫厭調羹之
煩遵養愉恬之休燕處超然功成不有古所謂天人無
累其事固當出此某僂藉棄餘頃且不名爲人矣重叨
纓綬愧同魯鳥之饗鐘鼓其迄何以仰答英聖之隆不
終墮異時咎羅以仰辱知已將必有道以致之老衰愚

洞麓堂續集

卷十三

書

七

自湔祓不敢不求永佩之規師相幸惻而賜之教焉謹
因敝親龍節推還便肅狀恭布積悃洛社耆俊中外所
卜出處於世道者千萬茵鼎重護用副蒼生霖雨之望
答曹東村尙書

昔歲僕謬掌篆詞林聞翁截戮數十健賊於姑蘇爲之
頓足起舞歎干城翼衛信非豪賢莫之任矣無幾復報
權惡劾翁以不搗巢之罪僕因自入謁重人辨之謂賊
雖不過數十輩然突犯十有三州郡徑薄南都城計其
屠斫之眾不下數千人矣所過無一敢撓其鋒者名都
大邑如蹈無人之境使此數十賊復入淞泖間倡其萬

眾四出剽劫豈更有江南也哉今不錄其功反劾爲罪
誰更肯奮忠自效者且八團九團賊雖據劄不過游聚
暫稅息耳豈足稱巢以此論劾大失情實而折英果任
事之氣重人耳僕言第俛笑答云上方任用其人且彼
親閱視我輩直懸斷影似豈敢輒爲之解使因解動疑
渠禍恐益難勝矣其後翁至而法司擬戍重人乃向僕
私歎謂即擬罪只宜比楊某例爲民足矣奈何及戍楊
某謂裁菴也其爲此歎蓋以僕僕昔所辨者云耳故僕
再歲入南論薦及翁良特往嘗言之至明切彼必不能
自滅其心今事近二十年未嘗敢一告人因遠教涉此

洞麓堂續集

卷十三

書

七

故輒及之惟翁一代豪忠志百未抒一讀大疏及小
揭深可想見不忘斯世斯民之盛心第翰錫垂逮中及
敘引之篤則豈不肖所敢當者謹用藉手以拜別附木
桃之報計高明或亮其忱抑所不拒斥矣未緣覲侍北
嚮不勝瞻戀不宣

答曾確菴中丞

僕少也謬懷嚮往不敢自後於人人愚戇成性未能瓦
合於時以是爲後先重人所甚惡搆讒嫉訕積非一朝
夕乃僕固藐不知也斥擯耕隴閉戶不敢一通四方之
問雖公之賢景企數往來於寤寐中而不敢以尺札相

聞者其亦迹所不得不然乎年衰志頽復秋毫世塗之念簡書忽相及誠不知所自來懇辭既莫之獲勉效驅馳真同魯鳥之饗鐘鼓其慚惑失措之態可想見豈更能少副來教所與待者邪比聞蜀中有微吏問罪之師戎馬方殷乃清思尙不遺鄙劣感誦可喻比讀黔南集敘高製比類含泳而多往復自道之趣可謂薦入作家閭奧矣非學深於遠造之醇能之乎出而著之功業固此學此養之緒餘耳節鉞詢尙駐敘中計冬必可成捷喜所任劉郭二帥皆驍勇習於蜀事可稱舉用之得其良甚足慰忭幣筆之賜蕃多祇拜不勝汗悚敬附報洞麓堂續集卷十三 書

答賀文南侍御

某僻居陋村山湍回阻舟車所不易通乃文旌之辱我責者再焉迹魏子雲賢非仲蔚顧巖石蓬蒿獲溫被高哲之寵光何其責幸之獨異與仰首西企日虞煩暑之侵轡幕勞跋恐爲理攝所艱私忻晉土亢塏蒸煥非江南比然棘試又最苦事何以爲忼慨之慰也正劇念中忽拜華札佳錄來畀重以蕃錫之辱祇拜詎勝悚感披讀式文四書三義格古辭精一洗凡士拘攣之見諸經稱是可謂踔絕一時矣論對達理識於昭曠之表出以

經世無遺力非有大過人之材能之乎茲錄當傳久遠無疑第陋言謬穢首并可慚耳晉俗之美易興起虞通市不意受馴弭者三年此邦家大福利矣王鑑川公既入而代之者材亦夙聞第治郡人議其於實稍左然盤空亦馭虜之可時出者第反此以內修則難夾持功力賴良友公非其鍼石邪妄布心腹計深厚之必無洩也

答張元洲大宰

別情若黯黯而忻忭之極至能以離思忘者誠爲天下慶快不在邇比瞻承間也四海人材僅僅不逮前輩矣朝廷用翁老成以培植疏被之一歲之所成便可周數

洞麓堂續集卷十三

書

五

十年儲用此所謂爲天下計樹人也卽如正德間事勢岌岌矣不有孝廟諸耆俊爲之後先翊毘邦之阻柅可論哉茲非已然明效乎惟翁念之念之冬深冰雪戒厲千萬神用善攝

與吳明卿學憲

頃歲河間道中得奉清覲風塵把袂各不知所爲別至今思之尙有餘慨孽人竊柄豪傑士孰不廩廩公獨偏蒙其甚者耳安知公論終不可泯於穹壤間哉歎息歎息貴竹文教久縻賢者於留滯似非選望均資之體要計不久當可解微方之鞅矣不讀高文且多年得所惠

示無謝駟馬拱璧之重樂府與古奇逸不作漢魏以後語第中稍多畦徑似未臻古人之極致西征諸作和平展安有三百篇不怨勞役遺意可以翊世教於無窮況詞旨流出性情洗滌世俗一切模擬鉅劇之陋即是足觀盛養不特句格之踔絕已耳僕自無權怒幾陷極穽杜門無復時塗之念簡書忽被真不知所自來懇辭靡獲勉爲茲出若忘前轍之爲覆摧者何時便遂稅弭以完此生出處大事邪相望數千里瞻邇不盡所懷

與王仲山

奉別不知幾何年矣每憶風神朗然獨出壚塵之表未

洞麓堂續集卷十三 書

宋

嘗不爲之夢寐聳往動遐思也頃十年前唐生自錫入此都辱翁遠貺瑤尺重以縑墨妙製玩而珍之但行即攜以自隨至今懸之寓堂猶若對翁於燕市蘭若中聆霏屑之高論焉僕昔以忤時貴人爲其所構斥吟卧草澤間者八年稍喜馬牛同呼姓名漸不爲人所指識閉門若與世隔絕矣不圖廟堂忽有所推召曾不知其自來既疏辭不可戚友交以君命爲勸乃今出就列則百人中無四三故識者冠綬相映自非一老禿翁所以著况重以人情猜信者邪茲已再疏馳請第悔不能有翁之先識耳此歸若過梁溪必期以扁舟求一晤對爲竟

結首相傾念之期因年家子歸便草草具此未萬一目極南雲臨風惆悵增歎息而已

與張大岳

恭惟公自持衡政府以來凡宣之啟沃注之施措恆瞻然於君子小人之攸辨所簡汰噓拂在公卿百執事間亦既灼灼協天下之公矣自是朋進彙征人必求舊嚴搜海舉野無遺材如某果可其類班也乎乃使差列比數此中因緣附任用所謂享微帶以致希珍翳死骨而待奇駿抑或振世之微權乎顧某才與志乖力隨年耗竟負大賢之知拔昧幾輕出誤恩妄試其蒙不相悉者

洞麓堂續集卷十三 書

七

之詆笑非其所自招與每疑三代直道不易行於叔世以今極辨靡淆之朝猶然不免衆議之相眩則士欲無犯游言而中窺忌難已雖然其開之有自來而成之有所授公之爲毀譽之勞投私之爲憎喜之更驚本原不無從出然要非君子自修之宜防者某則公甄陶末品有以汲引其始固欲彌縫其後則單遣之重乎累招九遷之不易一去古之君子愛其人而思全之固用此道某所以感大賜於不訾圖稱報之靡繇者其在是乎其在是乎謹奉狀少抒感謝萬一病憊神魂常依依台垣左側臨楮第極惆悵息而已不宜

寄張元洲大宰

海內士議之難歸協久矣翁入正具瞻之席卽柄大察之計中外諸貪殘吏凡受黜無敢一愬怨者歷春及夏所陟用咸極熙時妙達之選小大嘖嘖私稱十數年來未見其倫比非人人真服乃心能帖然若此乎謂士議果不可一豈然哉弟之昧幾輕出翁蓋深知其甚不得已之情既幸稍明出處微迹便應翩然長往其汲汲欲求考績之遂固思假之以便歸圖因上疏乞休罷新翁爲了事耳乃不相悉者竟媒孽無已極知昔構誣輩陰行杜害之險計然君子務自修則此宜在所不足校耳

洞麓堂續集卷十三

書

六

與吳默泉

昨冬鴻便促率奉狀記室想久徹之矣病中數讀翁歷任疏稿仰見老成謀國忠猷百世有遺思矣年來諸老多刻奏章往往議論昌發文辭偉麗足快一時之聽聞求若翁惓惓邦家久遠之宏圖而措意篤懇注慮深長不因事變一時便利輒爲苟且曲徇之謀此古大臣任

事之法程愚不能無感於漢賈誼劉向之志而歎翁計獨周浹無旁落不舉之患其德誠上結所陳述能一一著施於行事則遭遇可稱極盛得非自致者有焯焯古今所難及卽二子且不能無愧與惜子文不足以殫述侈之也近苦一疾劇甚夏之半始少差乃強懃敬錄呈請教幸有以開示之湖山數千里瞻邇茫然嚮風無任馳神不備

與張啟泉

門下自履政以來殫精民隱搏志時艱秉度軼宏事恆鎮以不擾宅心廣厚物皆稱乎平施九邑士吐歌詠致洞麓堂續集卷十三

書

九

訂於古彬彬間載之行事然卒不少睹其績效何也豈非循名而未舉實趨末而不先重其本之明驗與試即一二推論之欲振民以善莫若古鄉約法欲禁民爲惡莫若近十家律法今列縣非不設約正副矣而鄉約未果一舉行非不督撫正副矣而十家牌未見一懸掛是豈爲甚難事邪其弊在循數者之名而不一舉其實終日紛然於書期會間徒汲汲政之末務未嘗一及其本也至若賑災有社倉之儲興教有社學之制除盜有賞捕之格息訟有知見之令皆今上下所講議苟以其事施行民未有不與被其利澤者其在我古往亦有爲洞麓堂續集卷十三 書 干

與董潯陽宗伯

僕往以孤迹謬奉簡書不能審幾堅避冒昧輕出致貽有識之嘲笑其負慚亦甚矣猥念高賢夙誼擬欲歸塗扁舟遡茗水而上相期握手潯川之浹一慰十年契闊之懷而私苦潯暑方熾懼未能迄如志也不意清夜得奉台光於松陵之曲願言云獲若自天隕斯誠平生奇覲非鄙心所敢竊覲者復荷弭楫委蛇款以華宴捧觴暢敘加之稠貺婉變深愛溢倍疇曩僕何幸得此於門下哉感結心脾不能暫忘於既別之後引首東望恨恨增愴潯行特拜清章手墨之遺每持佳筆諷詠美句灑然若日按此下疑有闕文洞麓堂續集卷十三 書 壬

與呂南渠閣老

某頃過武林計欲扁舟掠江徑造會稽里第一慰十數歲契闊侍覲鄙悵苦其時溽蒸異常私惟我翁綠野靜攝之久豈堪此際束帶對客邪坐是遂用次且不前避煩廢禮誠知其罪已會葵陽長公始知翁亦有願覲不遺之篤念跂首西瞻徒慙焉飲懷以吧塞耳猥蒙委序文集竊歎古之才士言述湮滅無載者何算頃今獲託附名家之文以傳姓名於不朽豈其意望所及而慚荒謫何能仰稱上賢之推予蓋惴惴不敢涵管者數月已乃因之默考上下千數百年間相臣以文詩擅一代其